

Na osnovu člana 200. Zakona o upravnom postupku ("Službene novine Federacije BiH", br. 2/98 i 48/99) i člana 17 stav 1. Zakona o igrama na sreću ("Službene novine Federacije BiH", br. 48/15 i 60/15), a u vezi s članom 7. stav 2. Pravilnika o sadržaju pravila, uslovima i načinu priređivanja nagradnih igara ("Službene novine Federacije BiH", broj 30/16) i prema Rješenju o odobrenju broj: 05-15-1-786/19-T.B. od 21.08.2019.g. izdatog od strane Federalnog ministarstva finansija BiH/Federalnog ministarstva financija BiH, Bosna Bank International d.d. Sarajevo objavljuje

## PRAVILA NAGRADNE IGRE

# "Mastercard® i Bosna Bank International nagrađuju"

### 1. ORGANIZATOR

Nagradnu igru "Mastercard® i Bosna Bank International nagrađuju" organizira i provodi "Bosna Bank International" d.d. Sarajevo, skraćeni naziv "BBI" d.d. Sarajevo, ID broj: 4200375980006, PDV broj: 200375980006, Trg djece Sarajeva bb, Sarajevo, Bosna i Hercegovina (u daljem tekstu: "Organizator").

### 2. TRAJANJE I SVRHA NAGRADNE IGRE

Nagradna igra iz tačke 1. ovih Pravila (u daljem tekstu: "Nagradna igra") realizovat će se u periodu od **01.09.2019. godine do 31.12.2019. g.**, uključujući i 31.12.2019. g. do 24:00 sata. Svrha Nagradne igre je promocija bezkontaktnog plaćanja putem **Mastercard® kartica BBI banke**, kao bezgotovinskog i bezkontaktnog sredstva plaćanja i nagrađivanje povjerenja korisnika.

### 3. NAGRADNI FOND

Fond za troškove promocije i organizacije obezbjeđuje **Bosna Bank International d.d. Sarajevo**.

Fond za nagrade obezbjeđuje kompanija **Mastercard®**.

### 4. UVJETI ZA SUDJELOVANJE U NAGRADNOJ IGRI

U Nagradnoj igri mogu učestvovati sve osobe imaoći Mastercard® debitnih kartica Organizatora (Bosna Bank International d.d. Sarajevo) i/ili osobe koje u periodu trajanja Nagradne igre postanu vlasnici neke od Mastercard® debitnih kartica koje će im izdati BBI d.d., sa prebivalištem na području Bosne i Hercegovine ili u inozemstvu, a koji mogu svoj identitet dokazati validnim dokumentom kao što je pasoš i/ili lična karta izdata u zemlji boravka. Identifikacioni dokumenat se Organizatoru dostavlja samo u slučaju dobitka određene nagrade.

Osobe zaposlene kod Organizatora (BBI d.d.) ili u kompaniji Mastercard® i njihovi najbliži članovi porodice (supružnici, djeca, roditelji, braća i sestre) nemaju pravo učešća u ovoj Nagradnoj igri.

Korisnici Mastercard® kartica izdatih od BBI d.d. koji su klasificirani po CRK izvještaju u "C" kategoriju i više zbog dospelih, a neizmirenih obaveza prema BBI d.d. nemaju pravo učešća u Nagradnoj igri.

Ukoliko bilo koju od ponuđenih nagrada dobije maloljetna ili osoba ograničenih sposobnosti, takva osoba nagradu može prihvatiti samo uz odobrenje roditelja ili zakonskog staratelja.

Ukoliko dobitnik bilo koje nagrade ne bude u mogućnosti da istu preuzme može ovlastiti bilo koju osobu da istu preuzme, uz uredno ovjerenu izjavu/punomoć kod nadležnog organa (Općina, Notar).

Rok za preuzimanje nagrada je 20 (slovima: dvadeset) dana od dana objave imena dobitnika nagrade na zvaničnoj web stranici Organizatora (BBI) [www.bbi.ba](http://www.bbi.ba).

### 5. NAČIN UČESTVOVANJA I TOK NAGRADNE IGRE

Pravo da učestvuju u Nagradnoj igri ostvaruju svi korisnici debitnih Mastercard® kartica izdatih od strane Organizatora, koji u toku trajanja Nagradne igre u toku jednog mjeseca (od 01. do 30/31. u mjesecu) izvrše **bezgotovinske bezkontaktno (contactless) transakcije** na prodajnim mjestima, u BiH i/ili inozemstvu, u ukupnom iznosu od minimalno 50 (slovima: pedeset) KM, osim korisnika Mastercard® kartica izdatih od BBI d.d. koji su klasificirani po CRK izvještaju u "C" kategoriju i više zbog dospelih, a neizmirenih obaveza prema BBI d.d.

Svaka bezkontaktna bezgotovinska transakcija na prodajnom mjestu, odnosno zbir transakcija od 50 (slovima: pedeset) KM ili više, u periodu od jednog mjeseca (30/31 dan/dana), omogućava učešće u Nagradnoj igri. Veći broj transakcija stvara veću vjerovatnoću dobitka mjesečnih nagrada kao i jedne od glavnih nagrada.

Potrošnja ostvarena dodatnim debitnim Mastercard® karticama pribraja se potrošnji osnovne kartice - glavnog korisnika Mastercard® kartice, te i na taj način glavni korisnik ima veću mogućnost dobijanja nagrade/nagrada.

Izvlačenje mjesečnih nagrada bit će upriličeno svakog **zadnjeg četvrtka tekućeg mjeseca za prethodni mjesec**.

Dobitnik/ca neke od mjesečnih nagrada učestvuje i u izvlačenju jedne od glavnih nagrada.

Izvlačenje glavnih nagrada, ukupno 3 (slovima: tri) će biti upriličeno **16.1.2020. godine**.

Učesnici Nagradne igre mogu dobiti samo 1 (slovima: jednu) od glavne 3 (slovima: tri) nagrada. U slučaju ako se tokom izvlačenja dogodi da bilo koji učesnik bude izvučen kao dobitnik jedne od 3 (slovima: tri) glavne nagrade drugi put izvlačenje će se nastaviti sve dok svi dobitnici jedne od glavne 3 (slovima: tri) nagrada ne budu različiti.

### 6. NAGRADE I OKVIRNA MALOPRODAJNA VRIJEDNOST:

Ukupna vrijednost nagrada za Nagradnu igru iznosi:

**32.541,35 (slovima: tridesetdvijehiljadpetstotinačetdesetjedna i 35/100) KM** sa uračunatim PDV-om.

### GLAVNE NAGRADE

Nagrada br.	Opis	Količina	Cijena u KM sa PDV-om
1	Putnički automobil Toyota Yaris	1 kom	19.750,00
2	Turističko porodično putovanje u inostranstvo (do 4 člana)	1 kom	3.000,00
3	Mobitel Samsung Galaxy A80 A805	1 kom	1.443,35
UKUPNO (KM)			24.193,35

### MJESEČNE NAGRADE

Nagrada br.	Opis	Jedinična cijena	Količina	Ukupna Cijena
1	Električni romobil Xiaomi	889,00	4 kom	3.556,00
2	Laptop HP 255 GZ	798,00	4 kom	3.192,00
3	Poklon bon BBI Centar	400,00	4 kom	1.600,00
UKUPNO (KM)				8.348,00

Priredivač ne snosi troškove preuzimanja nagrada, kao niti bilo kakve troškove povezane s prijenosom prava vlasništva na nagradi, registracije i slično.

Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. **Nagrade nisu zamjenjive za novac**. Dobitnici nemaju pravo zahtijevati drugačije nagrade ili nagrade u većim iznosima, od ovim pravilima utvrđenih iznosa. Organizator će nagrade dobitnicima predati uz primopredajni zapisnik.

### 7. IZVLAČENJE NAGRADA

Izvlačenje dobitnika/ca provest će se slučajnim odabirom putem računara iz liste Učesnika koji su stekli pravo sudjelovanja u Nagradnoj igri i to uz Prisustvo tročlane (3 člana) Komisije, koja će se imenovati na mjesečnom nivou, odlukom Organizatora.

Tokom izvlačenja mjesečnih nagrada jedan od članova Komisije će voditi zapisnik koji će sadržavati imena i prezimena članova Komisije za izvlačenje nagrada, mjesto i vrijeme izvlačenja, broj dobitne Mastercard® kartice, kao i vrijednost nagrade. Zapisnik potpisuju svi članovi Komisije.

Tokom izvlačenja glavnih nagrada odlukom Organizatora pored članova Komisije za izvlačenje imenovat će se i Zapisničar koji će voditi zapisnik koji će sadržavati imena i prezimena članova Komisije za izvlačenje nagrada, ime i prezime zapisničara, mjesto i vrijeme izvlačenja, broj dobitne Mastercard® kartice, kao i vrijednost nagrade. Zapisnik potpisuju svi članovi Komisije i Zapisničar.

### 8. IZVJEŠTAJ O DOBITNICIMA I ROK ZA PREUZIMANJE NAGRADA

Nagradna igra se zatvara 31.12.2019. godine u 24:00 sata.

Izvlačenje glavnih nagrada, ukupno 3 (slovima: tri) će biti upriličeno 16.01.2020. godine.

Organizator je obavezan da imena dobitnika glavnih nagrada, ukupno 3 (slovima: tri) objavi na svojoj web-stranici [www.bbi.ba](http://www.bbi.ba) najkasnije 17.01.2020. godine do 16:30 sati.

Dodjela osvojenih nagrada vršit će se:

Mjesečne nagrade

- Primarno u prostorijama Bosna Bank International d.d. Sarajevo, Trg djece Sarajeva bb, 71000 Sarajevo.
- Dodjela mjesečnih nagrada se na osnovu odluke Organizatora može izvršiti i u nekoj od podružnica, filijala ili poslovnica Bosna Bank International d.d. Sarajevo u Bosni i Hercegovini.

### Glavne nagrade

- U prostorijama Bosna Bank International d.d. Sarajevo na adresi Trg djece Sarajeva bb, 71000 Sarajevo ili na nekom drugom mjestu u skladu sa odlukom Organizatora. O mjestu dodjele glavnih nagrada dobitnici će biti blagovremeno obavješteni.
- Dobitnici su dužni prilikom preuzimanja nagrada potpisati primopredajni obrazac (koji priprema Organizator).
- Nagrade se trebaju preuzeti u roku od 20 dana od dana objavljivanja imena dobitnika nagrada.
- Dobitnici u ovoj Nagradnoj igri prihvataju uslov da njihovo ime i prezime kao i adresa mogu biti javno objavljeni i da njihov lik Organizator Nagradne igre može koristiti u audio, foto, video i drugim materijalima. Prihvatanje nagrade od strane dobitnika daje dozvolu Organizatoru i njegovim agencijama da mogu koristiti ime, prezime i sliku dobitnika nagrade u reklamne ili komercijalne svrhe bez dalje naknade.
- Učesnik se odriče prava da traži naknadu bilo kakvog troška dobivanja ili preuzimanja nagrade ili putovanja radi preuzimanja nagrade.

### 9. PROVJERA PRAVA NA UČEŠĆE

Nagrada će biti uručena samo ukoliko je dobitnik ostvario pravo da učestvuje u Nagradnoj igri i ukoliko u potpunosti prihvata Pravila nagradne igre Organizatora.

### 10. POREZI, ZAMJENE, PRENOSI I ODGOVORNOST U VEZI S NAGRADOM

Učesnici se slažu da Organizator i pridružena društva, njihova odjeljenja, reklamne, promotivne, distributerske i druge agencije, te njima pridružena društva i svi zaposleni u njima, neće biti odgovorni u vezi s prijemom nagrade, te funkcioniranjem ili upotrebom ovako dobijene nagrade. Učesnici prihvataju da gore navedeni subjekti nisu niti će na bilo koji način biti odgovorni za bilo kakve obaveze, garancije ili jamstva koji bi, bilo po zakonu ili po prirodi stvari, mogli nastati u vezi s bilo kojom nagradom, što uključuje, ali se ne ograničava na kvalitet, mehanička svojstva ili prikladnost nagrade.

Organizator je odgovoran za sve poreze, naknade ili dadžbine u vezi s nagradom, osim poreza na dohodak dobitnika nagradnih igara u skladu sa važećim zakonskim propisima.

Nagrade se ne mogu prenijeti niti ustupiti drugima prije nego što se izvrši njihovo uručenje dobitniku.

### 11. OTKAZIVANJE

Organizator ima pravo da jednostrano otkáže Nagradnu igru u bilo kojoj fazi, uz obavještenje ukoliko bi došlo do materijalne povrede ili zloupotrebe Pravila ili događaja koji imaju karakter više sile. Ukoliko bi nastala neka od navedenih okolnosti, Nagradna igra će biti odmah obustavljena jednostranom odlukom Organizatora, neovisno o potrebi za njenim eventualnim objavljivanjem. U tom slučaju neće biti nadoknađeni troškovi, direktna ili indirektna šteta učesnicima u Nagradnoj igri, niti će se Nagradna igra održati.

### 12. OBAVJEŠTAVANJE

Pravila Nagradne igre bit će objavljena nakon odobrenja Ministarstva finansija BiH za sprovođenje Nagradne igre na web stranici i Facebook stranici Organizatora kao i u jednim dnevnim novinama. Dobitnici/ce nagrada bit će obavješteni pismenim putem na ličnu e-mail adresu ili telefonski od strane uposlenika Organizatora, a na osnovu instrukcije i pismenog dokumenta o imenima dobitnika nagrade/nagrada koji će biti potpisan i protokolisan od strane članova Komisija.

### 13. ZVANIČNA PRAVILA NAGRADNE IGRE

Dodatne informacije u vezi sa ovim Pravilima mogu se dobiti pozivom na **besplatni info telefon** broj **0800 200 20** od ponedjeljka do petka od 8:00 do 16:30 sati. U slučaju bilo kakvog spora nadležan je Općinski sud u Sarajevu.

Za Organizatora:  
Bosna Bank International d.d. Sarajevo